
“ҚҮҚОН” ЭИЗ ҲУДУДИДА ЛОЙИХА ҚИЙМАТИ 123 МЛРД. СҮМ БҮЛГАН “MOLLIS” МОМИҚ СОЧИҚ ВА ТРИКОТАЖ МАҲСУЛОТЛАРИ ИШЛАБ ЧИҚАРИШ КОРХОНАСИ ИШ БОШЛАДИ

Бугун вилоятимиздаги “Қүқон” ЭИЗ ҳудудида лойиха қиймати 123 млрд. сүм бўлган “MOLLIS” момик сочиқ ва трикотаж маҳсулотлари ишлаб чиқариш корхонаси тантанали тадбир билан иш бошлади.

Йиллик қарийб 100 млрд. сўмлик маҳсулот ишлаб чиқариш қувватига эга янги корхонанинг очилиш маросимида вилоят ҳокими Хайрулло Бозоров, вилоят прокурори Бахтиёр Исмоилов иштирок этдилар.

Тадбирда сўз олган вилоят ҳокими Хайрулло Бозоров бугунги тадбиркорлар иқтисодиёт ривожига ҳисса қўшиш билан бирга минглаб одамларга иш ўринлари яратадиганига эътибор қаратиб, куни кеча бўлиб ўтган Ўзбекистон Республикаси Президентининг тадбиркорлар билан очиқ мулоқотида тақдим этилган янги имкониятлар, сўнгги беш-олти йилда эришилган катта натижаларни қисқа муддатда икки баробар оширишга имкон беришини таъкидлади. Вилоят раҳбари тўла қувват билан ишга тушса 2000 та иш ўрни яратиладиган ушбу йирик корхонани ташкил этишгани учун лойиха ташаббускори Шавкат Раджапов ва ҳамкорларига ўз миннатдорчилигини билдириди.

Тадбиркорларнинг ўз маблағлари ҳисобига қад ростлаган ушбу корхонада ҳозирги дастлабки босқичда 400 та иш ўрни яратилган, йил якунига қадар бу рақам 1000 тага етиши режалаштирилган. Йиллик 17 миллион донадан зиёд момик сочиқлар ва трикотаж маҳсулотлари ишлаб чиқариладиган корхона маҳсулотининг асосий қисми хорижга – Қозоғистон ва Россияга экспорт қилинади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-23 17:25:42